

Bon Aña !!!!!

Skirbi pa Ruthy "Lady Ruth" Vrieswijk-Bergen



Hopi ta sigui desea otro Bon Aña den henter e prome luna di un aña nobo, e aña 2013. Y hopi tin nan curason yena keto bay cu hopi bunita recuerdo di e celebracionnan di Pasco y e cambio di aña cu sigur hopi deseonan y metanan nos dilanti. Ta nos custumber caba, pa ami, como e Poeta Lady Ruth duna danki na nos Creador di amor pa su abundancia di salud y alegria duna na mi como na mi famia. Cu e deseo tambe naturalmente pa paz y tranquilidad sigui reina

den cada hogar y cada curason. Ta keda na cada persona pa expresa nan gratitud den nan mesun forma, y ta keda na cada persona pa pone nan prioridadnan y nan resolucioannan riba nan agenda pa e aña aki. Ami ta un hende cu ta gusta duna danki pa cada dia como regalo precioso, cu ta gusta hari, gusta canta, gusta baila y gusta celebra bida den su totalidad. Pero como un hende muher cu a siña di su mesun les y experiencianan, mi ta gusta duna at-

encion tambe na nos grandinan y na nos muchanan.

Awor patras di cortina, pasobra, tur hende ta gusta haci cosnan nobo despues di tabata activo como lider boluntario p'asina hopi aña, mi no ta nenga di duna atencion of un yudanza ora wordo solicita pa haci esaki, si tempo y circunstancia ta permiti. Tur fin di aña na momento di tende e pagaranan mi curazon ta yena di emocion y nostalgia. Mi ta realiza cu mi tey ainda,



anto kieren tin mas cosnan pa mi haci den e bida aki. Y....mi ta sigui stima....no matter what. Mi ta sigui ta mi mes y mi ta sigui comparti e luz cu mi a haya hopi aña pasa.

Aruba ta den un bon caminda cu cosnan balansa y positivo. Nos hendenan ta bibando na paz cu otro, cu gradicimento na nan curason pa cada bendicion. No ta tur dia ta mesun facil pa algun, y pa otro parce cu nan no por wak e solo sali pa nan tambe, pero nan tin nan mesun midi di fe y ta keda na nan pa practica esaki den nan bon comportacion y bon manera y bon ehempelnan. Tin algun cu ta pega pasobra nan mes kier keda pega, nan no ta tuma e man saca cla pa yuda nan.

Tin asina hopi instancia y fundacion cu por duna consejo y un man, un oido di curason. Mi no ta perfecto, ningun di nos ta, pero nos ta sigui haci nos best pa ta un mihor hende tur dia. Mi ta spera cu mi relatonan den e aña aki 2013 tambe lo wordo lesa cu hopi atencion y aprecia

cu positivismo manera tabata e caso den tur e añanan anterior. Danki un biaha mas pa duna mi complimentnan asina bunita pa mi poemanan. Berdad cu e papel tin masha hopi pasenshi mes cu mi pen computeriza, ora cu mi dedenan ta primi e letternan riba e keyboard, formula cu amor y carino den versionan positivo cu por inspira un otro curason.

Ban haci di e aña nobo aki, un aña inolvidabel atrobe, un aña di alegria tur dia.....acepta cada ups and downs cu positivismo, siña di nos les y experiencianan. E bunita potretnan di nos cena di Pasco cu scoutnan di e grupo Kimball O'Hara den veranda Shon Johan ta muestra di union y harmonia. Ban sigui traha riba esaki shonnan, nos union y harmonia den famia, na scol, na misa, den deporte, den scouting y den tur otro movimiento social y cultural riba nos dushi Aruba. .

Dios ta bon. Mi a cantabo Dande den mi mesun forma humilde y simpel, pero cu hopi bon deseo den e :Bon Aña !!!!

